

“Help...My child is sick and I have to go to work!”

“Pab... Kuv tus menyuam mob lawm thiab kuv yuav tsum tau mus ua haujlwm!”

Tej yam teebmeem no tshwmsim rau yuav laug txhua tus niamtxiv nyob rau ib lub sijhawm twg los yog lwm lub. Tus yuamsij uas yuav daws tau tej teebmeem no yog yuav tsum tau npaj. Koj tus zov menyuam txojcai zov menyuam txog cov menyuam muaj mob zoo licas? Ib txhia zov menyuam tsis xav licas yog ib tug menyuam mob taubhau, tiamsis feem coob ntawm cov zov menyuam yuav tsis txais cov menyuam kub taubhau, ntuav, raws plab, los yog ua tej yam pob uas tsis paub piav. Hwm koj tus zov menyuam txojcai txog menyuam kev muaj mob. Nws yog qhov los tiv thaiv txojkev noj qab nyob zoo ntawm koj tus menyuam thiab tus zov menyuam.

Yog koj tus zov menyuam zov tsis tau koj tus menyuam muaj mob, nug mus rau lwm tus zov menyuam uas koj npaj los zov hloov. Npaj qhia kom lawv paub ua ntej sai li sai tau. Yog koj tus menyuam tsis xis neej thaum yav tsaus ntuj, ciali pib nrhiav lwm tus los zov rau hnuv tom ntej.

Yog koj tus neeg hloov yuav zov tsis tau koj tus menyuam muaj mob thiab, nug mus rau ib ncig thiab lwm tus neeg txheebze. Hais kom paub ua ntej sai li sai tau.

Yog tias koj twb sim txhua yam tag thiab koj yeej nrhiav tsis tau leejtwg los zov koj tus menyuam muaj mob li? Hu rau koj qhov chaw ua haujlwm thiab qhia kom lawv paub txog koj qhov teebmeem. Qhia rau lawv paub yam koj twb sim lawm thiab nug saib lawv puas muaj lwm lub tswvyim licas. Tej zaum lawv kuj yuav hloov tau koj lub sijhawm ua haujlwm los yog koj qev sijhawm nrog rau cov neeg koj ua haujlwm nrog. Qhov chaw ua haujlwm yuav txaus siab rau qhov uas koj nrhiav neeg zov koj tus menyuam thiab koj hu rau lawv paub ua ntej hais tias koj yuav tsis tuaj ua haujlwm thiab vim licas.

Nco qab ntsoov, npaj ua ntej txog txojkev menyuam muaj mob yog tus yuamsij uas yuav ua kom vammeej. Qhia kom txhua tus paub ua ntej sai li sai tau, tsis hais koj tus zov menyuam thiab koj qhov chaw ua haujlwm. Tseg ib daim ntawv txog koj tus menyuam nrog rau tus neeg zov koj tus menyuam kom lawv thiaj paub txog koj tus menyuam thiab hu tau koj thaum muaj teebmeem. Npaj kom zoo li koj npaj tau, yuav yooj yim los daws qhov teebmeem no.

